

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

U skladu sa člana 59. Statuta Općine Kakanj („Službene novine Općine Kakanj”, broj: 4/08), putem Službe za opću upravu, radne i zajedničke poslove, lokalnu samoupravu i mjesne zajednice Općine Kakanj, Općinskom vijeću Općine Kakanj, dostavlja se

INICIJATIVA

građana naselja Koprivnice i Donjeg Banjevca za osnivanje Mjesne zajednice „Koprivnica“

PODNOŠIOCI INICIJATIVE:

Građani naselja Koprivnice i Donjeg Banjevca

NAZIV MJESNE ZAJEDNICE:

Mjesna zajednica Koprivnica

SJEDIŠTE:

Naselje Koprivnica bb

PODRUČJE NASELJENOG MJESTA ZA KOJE SE TRAŽI OSNIVANJE:

Područje naseljenog mjesta Koprivnica i Donjeg Banjevca

O b r a z l o ž e n j e

Općinsko vijeće je na 32. sjednici održanoj dana 27.06.2019. godine donijelo Odluku o izdvajanju naselja Termoelektrana iz sastava MZ „Termoelektrana“ i osnivanju Mjesne zajednice „Termoelektrana“. Imajući u vidu navedeno, činjenicu da naselja Koprivnica i Donji Banjevac više nisu u sastavu Mjesne zajednice Termoelektrana, građani su pokrenuli inicijativu za osnivanjem Mjesne zajednice Koprivnica koju je svojim potpisom podržalo 70 građana.

Inicijativa je shodno članu 59. Statuta Općine Kakanj („Službene novine Općine Kakanj“, broj: 4/08) razmatrana na zboru građana održanom dana 19.07.2019.godine, te je ista jednoglasno podržana od 48 građana.

Imajući u vidu gore navedeno, predlaže se Općinskom vijeću Općine Kakanj da u skladu sa odredbama člana 60. Statuta Općine Kakanj („Službene novine Općine Kakanj“, broj: 4/08), zauzme stav o dostavljenoj inicijativi.

Ukoliko prihvati inicijativu, Općinsko vijeće zadužit će Službu za opću upravu, radne i zajedničke poslove, lokalnu samoupravu i mjesne zajednice da pripremi prijedlog odluke o osnivanju mjesne zajednice.



OPĆINA KAKANJ

Služba za opću upravu radne i zajedničke
poslove, lokalnu samoupravu
i mjesne zajednice

MUNICIPALITY OF KAKANJ
Department of General Administration,
Labour and Common Affairs, Local
Administration and Local Communities

ZAPISNIK

sa Zbora građana naselja Koprivnice i Donjeg Banjevca održanog dana 19.07.2019. godine sa početkom u 14:00 sati u naselju Koprivnica

Zboru građana prisustvuje:

- 48 građana naselja Koprivnice i Donjeg Banjevca
- Sedin Karahodžić, stručni saradnik za lokalnu samoupravu, mjesne zajednice i Centar za birački spisak Općine Kakanj

DNEVNI RED

„Izjašnjavanje zbora građana o inicijativi za osnivanje Mjesne zajednice Koprivnica“.

U uvodnom izlaganju zboru građana je pojašnjeno je da je Općinsko vijeće na 32. sjednici donijelo Odluku o izdvajanju naselja Termoelektrana i Kujavče iz sastava MZ „Termoelektrana“ i osnivanju Mjesne zajednice „Termoelektrana“, tako da se naselja Koprivnica i Donji Banjevac više ne nalaze u sklopu ove mjesne zajednice.

Obzirom da više nisu u sastavu Mjesne zajednice Termoelektrana, građani naselja Koprivnice i Donjeg Banjevca su pokrenuli inicijativu (prikupili 70 potpisa građana, od toga 70 građana ZA dok nije bilo građana protiv) za osnivanje Mjesne zajednice Koprivnica.

Na biračkom spisku naselja Koprivnica i Donji Banjevac upisano je 400 birača, a da se podrži inicijativa potrebno je 10 % od ukupnog broja upisanih birača.

Kako je Zboru građana pristupilo 48 građana, ispunjeni su uslovi za izjašnjavanje, nakon čega je sa 48 glasova ZA, i bez glasova protiv usvojen

ZAKLJUČAK

Prihvata se inicijativa građana naselja Koprivnice i Donjeg Banjevca da se osnuje Mjesna zajednica Koprivnica, u sklopu koje se nalaze podružnice Koprivnica i Donji Banjevac.

Dana 22.07.2019. godine

Zapisnik sačinio

Sedin Karahodžić